

PNM(T) 076 ( 62 )

30 Julai 2012

Semua Ketua Jabatan Negeri

**Melaka**



**KERAJAAN NEGERI MELAKA**

**PEKELILING PERBENDAHARAAN NEGERI**

**BILANGAN 2 TAHUN 2012**

**PERATURAN PEMBAYARAN IMBUHAN TAHUNAN DAN BAYARAN KHAS PRESTASI  
KEPADA PEGAWAI PERKHIDMATAN AWAM NEGERI MELAKA BAGI TAHUN 2012**

**1. TUJUAN**

- 1.1 Surat Pekeliling ini adalah bertujuan untuk menetapkan peraturan pembayaran berikut :-
- i. Imbuhan Tahunan dibayar kepada pegawai dalam Kumpulan Pengurusan dan Profesional serta Kumpulan Pelaksana
  - ii. Bayaran Khas Prestasi dibayar kepada pegawai dalam kumpulan Pengurusan Tertinggi
- 1.2 Pekeliling ini selaras dengan Pekeliling Perkhidmatan Bilangan 5 Tahun 2012.

## **2. ASAS PERKIRAAN IMBUHAN TAHUNAN DAN BAYARAN KHAS PRESTASI**

- 2.1 Kadar Imbuhan Tahunan dan Bayaran Khas Prestasi ini dibayar berasaskan kepada gaji pokok (termasuk elaun memangku) bagi bulan Julai 2012 atau gaji akhir yang diterima dalam tempoh 1 Januari hingga 25 Julai 2012.
- 2.2 Kadar Imbuhan Tahunan dan Bayaran khas Prestasi yang ditetapkan adalah sebanyak setengah (1/2) bulan gaji atau minimum RM500.00.
- 2.3 Kaedah pengiraan kelayakan Imbuhan Tahunan dan Bayaran Khas Prestasi adalah merujuk kepada Pekeliling Perkhidmatan Bilangan 5 Tahun 2012.

## **3. PERATURAN PELAKSANAAN PEMBAYARAN IMBUHAN TAHUNAN DAN BAYARAN KHAS PRESTASI**

- 3.1 Imbuhan Tahunan dan Bayaran Khas Prestasi akan dibayar pada 9 Ogos 2012 . Dalam membuat pembayaran ini, peraturan-peraturan berikut perlu dipatuhi :-

### **3.1.1 Cukai Pendapatan**

Cukai Pendapatan tidak dipotong dari amaun Imbuhan Tahunan dan Bayaran Khas Prestasi yang hendak dibayar, tetapi Imbuhan Tahunan dan Bayaran Khas Prestasi tersebut akan diambil kira dalam Penyata Pendapatan Tahunan untuk tujuan penaksiran cukai pendapatan. Pegawai Perkhidmatan Awam Negeri digalakkan untuk menjelaskan sendiri cukai pendapatan berkenaan berdasarkan kepada Jadual (Kaedah 3) Potongan Cukai Bulanan Lembaga Hasil Dalam Negeri.

### **3.1.2 Kumpulan Wang Simpanan Pekerja (KWSP)**

Imbuhan Tahunan dan Bayaran Khas Prestasi ini adalah dikenakan caruman selaras dengan Seksyen 2, Akta KWSP 1991 dan kiraan caruman berasaskan JADUAL KETIGA (Subseksyen 43(1)) Kadar Caruman Bulanan.

### 3.1.3 Bayaran Bagi Pegawai di Bawah Sistem Gaji Berkomputer

Bagi pegawai Perkhidmatan Awam Negeri yang mana gajinya di bayar melalui sistem, perkara berikut hendaklah diambil maklum oleh Jabatan/PTJ :-

- i. Proses semak/lulus penyelenggaraan bonus di butang 2 – Bonus/Bantuan Khas di Modul Gaji akan dibuat di peringkat Perbendaharaan Negeri sahaja tidak melibatkan proses semak/lulus di peringkat Jabatan/PTJ berdasarkan maklumat senarai kakitangan yang layak dibayar Imbuhan Tahunan dan Bayaran Khas Prestasi yang dihantar oleh Jabatan/PTJ .
- ii. Adalah menjadi tanggungjawab Jabatan/PTJ mengutip semula atau memotong daripada gaji bulan berikut amaun yang tidak layak diterima oleh seseorang pegawai Perkhidmatan Awam Negeri ; dan
- iii. Perbendaharaan Negeri akan menghantar satu salinan Laporan G004 – Senarai Edit Pembayaran Bonus setelah selesai proses pembayaran bonus untuk semakan semula pihak Jabatan/PTJ. Bagi pegawai Perkhidmatan Awam Negeri yang tidak tersenarai dalam laporan tersebut tetapi gajinya adalah diproses dalam Sistem Gaji Berkomputer, bayaran Imbuhan Tahunan dan Bayaran Khas Prestasi hendaklah dibayar melalui baucar berasingan sebelum 9 Ogos 2012.

### 3.1.4 Pembayaran Melalui Baucar Berasingan

Bagi Imbuhan Tahunan dan Bayaran Khas Prestasi yang dibayar melalui baucar berasingan hendaklah disertakan Penyata Perubahan (Kew.8) dan dokumen sokongan yang lain.

### 3.1.6 Kod Urus niaga

- i. Kod-kod urus niaga yang perlu digunakan bagi bayaran Imbuhan Tahunan dan Bayaran Khas Prestasi melalui baucar berasingan adalah seperti berikut :-

<u>KOD SODO</u>	<u>PERIHAL KOD SODO</u>
15103	Imbuhan Tahunan Kakitangan Awam
29304	Imbuhan Tahunan Pekerja Sementara dan Sambilan Yang Tidak Menyandang Jawatan Tetap
13101	Caruman Kumpulan Wang Simpanan Pekerja Kakitangan Awam
29303	Caruman Kumpulan Wang Simpanan Pekerja Sementara dan Sambilan Yang Tidak Menyandang Jawatan Tetap

- ii. Bagi pembayaran Imbuhan Tahunan melalui sistem, Jabatan/PTJ hendaklah membuat pelarasan bagi kod urusniaga yang melibatkan Pekerja Sementara dan Sambilan Yang Tidak Menyandang Jawatan Tetap.

#### 4. PENUTUP

Semua Jabatan/PTJ hendaklah mematuhi peraturan-peraturan di perenggan 3 agar pembayaran Imbuhan Tahunan dan Bayaran Khas Prestasi dan dilaksanakan dengan sempurna pada tarikh yang ditetapkan.

**“BERKHIDMAT UNTUK NEGARA”**

Saya yang menurut perintah,



**(NORIZAN BINTI MOHD.YUNOS)**

Bendahari Negeri,

**MELAKA.**

- s.k. 1. Y.B Datuk Wira Setiausaha Kerajaan Negeri Melaka
2. Y.B Datuk Pegawai Kewangan Negeri Melaka